

摛藻堂四庫全書薈要

史部

史部

欽定四庫全書會要卷八千二百六十八

欽定大清會典卷三十九

禮部

祠祭清吏司

升配

凡

列聖升配之禮

勅工部敬製

升配神牌

南郊於

昭亨門外

北郊於

壇北門外

祈年殿於

壇西門內之左各設恭製

神牌黃幄內閣翰林院官書字大學士二人上香行禮

既成先配

南郊後配

北郊均前期分遣官祇告

天

地

宗廟

社稷如儀○升配

圜丘先一日太常寺官豫設

升配青幄寶座几案於

壇鑾儀衛設龍亭黃蓋御仗於

昭亨門外之左恭製

神牌黃幄前是日

皇帝詣

南郊齋宿先詣

皇穹宇上香行禮詣

圜丘視

壇位迺詣

齋宮大學士二人朝服詣恭製

神牌處太常寺官設香燭大學士上香行禮飾青畢禮

部尚書恭奉

升配神牌安奉於黃案上香行禮各退祀日王公祇俟
於降輦處至時太常卿奏請

皇帝御祭服出

齋宮乘輦前引後扈如儀

皇帝出廣利門至

昭亨門右降輦盥洗贊引太常卿恭導

皇帝入黃幄左門詣

神位前行一跪三拜禮興進前跪恭奉

神牌興由中門出安奉於亭跪三拜興避立左側校尉

昇亭前列黃蓋御仗禮部太常寺官十人左右

導引前引大臣贊引官恭導

皇帝於龍亭後行陪祀王以下內大臣侍衛等均於

黃幄外北面跪候亭過隨行龍亭至外墳門百
官均跪迎於次北上東西面候過興龍亭至內
墳左門外止

皇帝詣亭前跪三拜興奉

神牌入內墳左門至

圜丘三成階下黃蓋御仗退贊引官恭導

皇帝奉

神牌陞

壇太常官豫設

神位拜席於正中設

皇帝拜位於後太常卿跪奏

廟號皇帝祇見

皇天上帝

皇帝恭奉

神牌跪安於拜席退就拜位奏跪拜興

皇帝恭代行三跪九拜禮畢太常卿跪奏請

陞座

皇帝進前跪奉

神牌興跪安於

配幄退至幄外香案前行一跪三拜禮贊引官恭導

皇帝詣二成拜位立酒舉大祀禮如儀○升配

方澤豫設

升配黃幄寶座於

壇設鳳亭黃蓋御仗於

壇內垣北門之左恭製

神牌幄前

皇帝恭奉

神牌升

壇恭代

神位行祇見

皇地祇禮迺安奉

神位於黃幄一如

圜丘儀○升配

祈年殿豫設

升配寶座於

祈年殿設龍亭黃蓋御仗於

壇西門內之左恭製

神牌黃幄前

皇帝恭奉

神牌由左階升入

祈年殿左門安奉

神位於寶座大祀如儀

欽定大清會典卷三十九



總校官候補中書臣吳紹潔
校對官編修臣莫瞻菉

謄錄監生臣周翥華
繪圖監生臣竇光國

欽定四庫全書會要

史部

欽定大清會典卷四十一

詳校官編修臣繆晉



欽定四庫全書會要卷八千二百六十九 史部

欽定大清會典卷四十

禮部

祠祭清吏司

大祀三

凡饗

太廟之禮崇建

太廟於

端門之左

前殿為饗祫行禮之地

後殿中室奉安

肇祖原皇帝

原皇后神位左一室奉安

興祖眞皇帝

眞皇后神位右一室奉安

景祖翼皇帝

翼皇后神位左二室奉安

顯祖宣皇帝

宣皇后神位

中殿中室奉安

太祖高皇帝

孝慈高皇后神位左一室奉安

太宗文皇帝

孝端文皇后

孝莊文皇后神位右一室奉安

世祖章皇帝

孝惠章皇后

孝康章皇后神位左二室奉安

聖祖仁皇帝

孝誠仁皇后

孝昭仁皇后

孝懿仁皇后

孝恭仁皇后神位右二室奉安

世宗憲皇帝

孝敬憲皇后神位均設几陳

玉冊

玉寶遠並設牀榻衾枕櫈施帷幔如事生儀

前殿東廡配饗通達郡王武功郡王武功郡王福晉慧

哲郡王慧哲郡王福晉宣獻郡王宣獻郡王福

晉怡賢親王西廡配饗信勇公費英東弘毅公

額宜都武勲王揚古利果毅公圖爾格雄勇公
圖賴忠達公圖海超勇襄親王策凌勤襄伯鄂
爾泰大學士張廷玉○每歲孟春上旬諏吉夏
秋冬以孟月朔行時饗禮歲除前一日行大祫
禮○時饗之日恭奉

後殿

列祖

列后神位於

殿中寶座皆南嚮奉

中殿

列聖

列后神位於

前殿寶座

太祖位南嚮

列聖以昭穆序東西嚮

前殿

皇帝恭詣行禮

後殿遣官將事

帝

后同案皆牛一羊一豕一簠二簋二籩十有二豆十有

二鑪一燈二各帛一登一鉶一尊一玉爵三金

七一金箸二帛共篚牲共俎尊實酒疏布幕勺

具東廡五案皆牛一羊一豕一簠二簋二籩十

豆十鑪一燈二各帛一鉶一爵三共尊三西廡

九案皆羊一豕一鉶一簋一籩四豆四鑪
一燈二各帛一爵三共尊五帛各實於篚牲俎
尊酒幕勺具大饗前一日樂部設中和韶樂於
前殿第一成階上分左右懸祭日鑾儀衛陳法駕鹵簿
於

午門外金輦於

太和門階下日出前四刻太常卿詣

乾清門告時

皇帝御祭服乘禮輿出宮內大臣侍衛前引後扈如

常儀至

太和門階下降輿乘輦

駕發警蹕

午門嚴鼓法駕鹵簿前導不陪祀王以下文武各
官咸朝服跪送導迎鼓吹設而不作

皇帝由

太廟街門左門入至外垣南門外神路右降輦贊引太

常卿二人恭導

皇帝由

太廟南門左門入至戟門幄次公一人率覺羅官詣
後殿上香行禮恭請

神位安奉

殿中寶座王一人率宗室官詣

中殿上香行禮恭請

神位安奉

前殿寶座畢太常卿奏請行禮

皇帝出幄次盥洗贊引太常卿恭導

皇帝由戟門左門入陞左階入

前殿左門就拜位前北嚮立太常贊禮郎引分獻官至

階前夾甬道立鴻臚官引陪祀王公位殿外階

上陪祀百官位階下左右序立均北面典儀官

贊樂舞生登歌執事官各共迺職以下自迎神至散饌皆典

唱贊儀官武舞八佾進贊引官奏就位

皇帝就拜位立迺迎

神司香官各奉香盤進司樂官贊舉迎

神樂奏貽平之章

凡舉樂皆司樂官唱贊後同

贊引官奏詣香案前

恭導

皇帝詣

太祖高皇帝香案前司香官跪進香贊引官奏跪

皇帝跪奏上香

皇帝上柱香次三上瓣香興以次詣

列聖香案前上香儀同奏復位

皇帝復位奏跪拜興

凡行禮復位皆有奏後同

皇帝行三跪九拜禮王公百官均隨行禮奠帛爵行

初獻禮宗室司帛官奉篚司爵官奉爵各詣

列聖

列后神位前奏絃平之章舞干戚之舞司帛官跪奠帛

三叩司爵官立獻爵奠正中皆退兩廡分獻官

上香執事生奠帛獻爵各如儀司祝至祝案前

跪三叩奉祝版跪案左樂暫止

皇帝跪羣臣皆跪司祝讀祝畢奉祝版詣

太祖神位前跪安於案三叩退樂作

皇帝率羣臣行三拜禮興樂止武功之舞退文舞八

佾進行亞獻禮奏敷平之章舞羽籥之舞司爵

官獻爵奠於左儀如初獻行終獻禮奏紹平之

章舞同_{亞獻}司爵官獻爵奠於右儀如亞獻兩廡畢

獻儀如初樂止文德之舞退太常官贊

賜福胙光祿卿二人就東案奉福胙進至

太祖位前拱舉降立於

皇帝拜位之右侍衛二人進立於左

皇帝跪左右執事官咸跪右官進福酒

皇帝受爵拱舉授左官進胙受胙亦如之三拜興率

羣臣行三跪九拜禮徹饌奏光平之章徹饌畢

太常官跪告禮成於

神三叩退舉

還宮樂奏又平之章

皇帝率羣臣行三跪九拜禮有司奉祝次帛次香恭送燎所

皇帝轉立拜位旁西嚮候祝帛過復位樂作祝帛燎

半奏禮成恭導

皇帝由戟門左門出先是於

皇帝入戟門幄次時太常贊禮郎二人引

後殿承祭官至殿垣門右東面立俟

皇帝入戟門贊引官引

後殿承祭官入右門升自右階至殿外中階拜位前北面立典儀官贊執事官各共迺職以下奠獻皆典儀官唱贊

贊引官贊就位引承祭官就拜位立司香官奉

香盤進贊引官贊詣香案前引承祭官由殿右

門入詣香案前司香官跪奉香贊引官贊跪承

祭官跪贊上香承祭官上柱香次三上辨香興

以次詣各香案前上香儀同贊復位引承祭官

出殿右門復位贊跪叩興以下行禮承祭官行

皆有贊

三跪九叩禮奠帛爵行初獻禮覺羅司帛官奉
篚詣案前跪奠帛三叩司爵官奉爵立獻奠正
中皆退司祝至祝案前跪三叩奉祝版跪案左
承祭官跪司祝讀祝畢奉祝版詣正中

神位前跪安於案叩如初退承祭官行三叩禮次亞獻
司爵官獻爵奠於左次終獻司爵官獻爵奠於
右均如初獻儀承祭官行三跪九叩禮有司奉

祝次帛次香恭送燎所承祭官轉立西旁東西
候過復位祝帛燎半告禮成引承祭官仍降自
西階由戟門右門出王公二人率宗室覺羅官
恭請

前殿

神位還御

中殿寢室

後殿

神位還御

後殿寢室上香行禮如前儀

皇帝至外垣南門外神路右陞禮輿法駕鹵簿前導

導迎樂作奏祐平之章

皇帝回鑾王公從各官以次退不陪祀王公百官朝

服於

午門外跪迎

午門鳴鐘王公隨

駕入至內金水橋恭候

皇帝還宮各退○歲暮大祫日王公二人各率宗室

官恭奉

後殿

中殿

列聖

列后神位安奉

前殿寶座

肇祖原皇帝

原皇后

興祖直皇帝

直皇后

景祖翼皇帝

翼皇后

顯祖宣皇帝

宣皇后

太祖高皇帝

孝慈高皇后皆南嚮

太宗文皇帝

孝端文皇后

孝莊文皇后

世祖章皇帝

孝憲章皇后

孝康章皇后

聖祖仁皇帝

孝誠仁皇后

孝昭仁皇后

孝懿仁皇后

孝恭仁皇后

世宗憲皇帝

孝敬憲皇后以昭穆序東西嚮樂六奏迎

神奏開平初獻肅平亞獻協平終獻裕平徹饌誠平

還宮成平餘儀均與時饗同○大祫前一日遣官一人

祇告

後殿一人祇告

中殿內監恭啟各

寢室帷幕執事官各陳帛篚及尊爵鑪燈如常祭薦脯

醢果實太常贊禮郎引遣官由

廟街門右門戩門右門入經

前殿西分詣

後殿

中殿皆升自西階至中階上拜位行禮詣

列聖位前上香出入由殿右門祝帛送燎所避立拜位

西旁東西均與

後殿時饗同○因事祇告

天

地

宗

社則告於

太廟中殿若同時並告

奉先殿則告於


太廟後殿將事之儀均與大祫祇告同○如

皇帝親祇告於

中殿王公陪祀百官不陪祀出入由殿左門於殿內行

禮餘與祇告同

太廟總圖



太廟前殿時饗圖

王

五

官燎掌

陪祀官

分獻官

特祭

分獻官

官祀陪

特引官

鴻臚寺
少卿

禮部
少卿

功

臣

官燎掌

鑄燎

太祖高皇帝
廟
世祖孝憲皇帝
廟
太宗文皇帝
廟
仁宗景皇帝
廟
英宗昭皇帝
廟
神宗顯皇帝
廟
哲宗憲皇帝
廟
徽宗哲皇帝
廟
欽宗憲皇帝
廟
崇寧宮
太祖高皇帝
廟
世祖孝憲皇帝
廟
太宗文皇帝
廟
仁宗景皇帝
廟
英宗昭皇帝
廟
神宗顯皇帝
廟
哲宗憲皇帝
廟
徽宗哲皇帝
廟
欽宗憲皇帝
廟
崇寧宮
太祖高皇帝
廟
世祖孝憲皇帝
廟
太宗文皇帝
廟
仁宗景皇帝
廟
英宗昭皇帝
廟
神宗顯皇帝
廟
哲宗憲皇帝
廟
徽宗哲皇帝
廟
欽宗憲皇帝
廟
崇寧宮

太廟前殿時饗陳設圖

祫祭陳設同

南嚮

白餅 黑餅 麥餅 饅

蓬椿 菱芡 鹿脯

太祖高皇帝

爵 登羹 盡 鹹鯷 肉栗

孝慈高皇后

爵 鋼鑊 盡 稗 穀

孝莊文皇后

爵 登羹 盡 稗 穀

孝端文皇后

爵 鍤和 盡 鹹鯷 肉鹽

孝惠高皇后

爵 豆 盡 鹹鯷 魚鹽

西嚮

餅 麵 饅 饅

孝莊文皇后

爵 登羹 邊 棒 菱芡 鳖脯

孝端文皇后

爵 鍤和 盡 鹹鯷 肉栗

孝惠高皇后

爵 登羹 盡 稗 穀

孝惠高皇后

爵 鍤和 盡 稗 穀

太宗文皇帝

爵 登羹 盡 鹹鯷 魚鹽

脾析 脍 饅 饅

俎 牛 羊

筭

燭 燭

香 簪 帛

筭

筭

燭

香 簪 帛

燭

筭

東嚮

白餅 麵餅 饅

世祖章皇帝

爵 登羹蓬蓽菱芡膚
爵 鍤羹鹽蟹棗栗

孝惠章皇后

爵 登羹蕷黍稷

孝康章皇后

爵 登羹藍稻粱
爵 鍤羹豆蕷鹽蜜臘
爵 鍤羹豆蕷鹽蜜臘

西嚮

孝恭仁皇后

爵 登羹扁餅饅餅
爵 鍤羹蓬蓽菱芡膚

孝懿仁皇后

爵 登羹黍稷
爵 鍤羹鹽鯪棗栗

孝昭仁皇后

爵 登羹蕷黍稷
爵 鍤羹豆蕷鹽蜜臘

孝誠仁皇后

爵 登羹蕷黍稷
爵 鍤羹鹽蕷蜜臘

聖祖仁皇帝

爵 登羹蕷黍稷
爵 鍤羹豆蕷鹽蜜臘
爵 鍤羹鹽蜜臘

南

燭

香蓮帛

俎牛羊

燭

燭

燭

俎牛羊

香蓮帛

燭

燭

燭

東嚮

東宮

餅 麵 饅 饪 饪

鹽

蓬 棒 菱 茄 豆 脼

世宗憲皇帝

爵 爵 爵 爵 登 奚 盡 魷 肉 栗

鉶 和 餃 蓋 叢 紗

孝敬憲皇后

組 犀 牛 羊 燭 香 罐 吊

爵 爵 爵 爵 登 奚 盡 魷 肉 栗

世宗憲皇帝

豆 盡 兔 魷 蓋 魷
肥 斧 髮 餃 蓋 魷

燭

豆 盡 兔 魷 蓋 魷

孝敬憲皇后

太廟時饗東廡陳設圖

祫祭陳設同

炭 糜 餅 麴

蓬虆 栗 棕 莞

爵 鍋 簋 鹽 魚

功王

藍 稗 穂 爵

俎 牛 羊 燭
豕 香 瓶 吊

銅鑊

藍 稗 穂

爵

豆 蓋 鹽 魚
蓋 稗 穀 鹽 魚

蓋 稗 穀 鹽 魚
蓋 稗 穀 鹽 魚

太廟時饗西廡陳設圖

功臣

爵

劍 鋸

蓋 稗 穀

鹽

俎

羊

燭

香 瓶 吊

豆 鹽 魚
蓋 稗 穀
鹽

鹽 魚

鹽 魚


俎

羊

燭

香 瓶 吊

太廟後殿時饗圖



樂祝

御膳房
清宮史書

官燎堂

贊引官

道司位

引導

官燎堂

太廟後殿時饗陳設圖

扁餅
墨餅
餈
餈
餅

邊榛
菱芡
芡
鷄脯

肇祖原皇帝
爵
登羹
爵
鹽
鹽
鰹
棗
栗

俎牛羊

燭

香
蕙
帛

原皇后

爵
登羹
爵
銅
羹
黍
稷

豆菹
兔醢
羶道
兔醢

四筵同

爵
銅
羹
黍
稷


燭

燭

燭

華

太廟中殿祇告圖



司香司祝

遣官位

案祝

太廟中殿祇告陳設圖

豆(鹿醢) 葡萄

太祖高皇帝

桃仁

孝慈高皇后

蓬虆(蓬) 紅筭

爵爵爵爵爵爵爵爵

棗

豆(兔醢) 李

鵝

豆(鹿醢) 葡萄

孝端文皇后

桃仁

爵爵爵爵爵爵爵爵

太宗文皇帝

蓬虆(蓬) 紅筭

香(蕉) 帛

孝莊文皇后

棗仁

燭

豆(兔醢)

蓮子

鵝

豆 醬 蘿 蔔

孝惠章皇后

桃仁

世祖章皇帝

蓬蘽(蘿蔓)

孝康章皇后

桂子 桂花

豆 醬 蘿 蔔

孝懿仁皇后

豆 醬 蘿 蔔

孝誠仁皇后

桃仁

聖祖仁皇后

豆 醬 蘿 蔔

孝昭仁皇后

桂子

孝恭仁皇后

豆 醬 蘿 蔔

桂

燭

香 蕉 吊

燭

桂子

桂子

燭

香 蕉 吊

燭

桂子

世宗憲皇帝

孝敬憲皇后

爵爵爵爵爵爵爵

豆麌菊

松仁

邊脯

松仁

豆
兔
脯


松仁

燭
香
蕉
帛

燭

寶

太廟後殿祇告圖



祭祝

御製頌化
文獻書局
譯

御製頌化
文獻書局
譯

傳

禁
引

傳
位

禁
引

金鑑

官燎掌

太廟後殿祇告陳設圖

豆 鹿 薑 蘿

鹽

肇祖原皇帝

桃仁

燭

香葷帛

原皇后

燭

邊鹿脯

爵爵爵爵爵爵爵爵

棗仁

四筵同

豆 兔醢 蓼子

鹽

太廟祔祭圖

臣 工力

官禁掌 鑑爐

酒醴御文
膳夫

酒醴御史
膳夫

幣引官

傍律
工承節
譖指

官祀陪

內獻官

諸王
諸侯

分獻官

陪祀官

少子
少子

太師
少子

太師
少子

尚書
官禁掌

王

工

太廟祔祭圖


太廟祔祭圖

太廟祔祭圖

太廟祔祭圖

太廟祔祭圖

太廟祔祭圖



欽定大清會典卷四十

欽定四庫全書會要卷八千二百七十 史部

欽定大清會典卷四十一

禮部

祠祭清吏司

凡升祔之禮

山陵禮成

皇帝恭奉

神主還京師升祔

太廟前期三日遣官以祔

廟祇告於

天

地

太廟

社稷前一日

皇帝還宮恭候奉迎

神主遣官一人恭代行朝夕奠禮升祔之日王公率宗

室官恭請

中殿

列祖

列后神位奉安於

前殿所司恭設升祔

寶座於

列祖之次屆時

神主黃輿入城隨行之王公各官咸朝服以從在京百

官朝服跪迎於

大清門外

皇帝御禮服率王公內大臣侍衛等朝服恭迎於

太廟街門外

神主黃輿入

天安門

皇帝率羣臣南嚮跪

黃輿由

太廟街門中門入

皇帝率王公百官由左門隨入至

太廟南門外輿止

皇帝盥洗詣

黃輿前行一跪三拜禮恭奉

神主御仗黃蓋前導贊引太常卿二人恭導由左門入
至戟門外黃蓋御仗止入戟門左門升左階進
太廟左門至正中北嚮立執事官豫設

神主拜席於正中設

皇帝拜位於後贊引官跪奏

廟號皇帝

恭宣
尊諡
祇見

列祖

皇帝恭奉

神主跪安於正中拜席退就拜位恭代行三跪九拜禮

興贊引官跪奏請

陞座

皇帝恭奉

神主依昭穆之序奉安於

列祖之次行一跪三拜禮迺行大饗禮與時饗儀同
列后升祔禮節並如前儀

凡加上

尊謚之禮

皇帝御極之初仰思

創守隆規

勅禮臣定議恭加

列祖

列后尊謚以大追崇之典大學士九卿翰林詹事科道

會同議上

皇帝恭定迺改題

神主於

太廟中前期遣官行祇告禮届日內閣翰林院官敬書

大學士二人上香行禮既成諷吉行恭加上

尊謚禮先期遣官祇告

天

地

社稷屆期遣親王祭

太廟後殿

皇帝禮服詣

前殿安奉

神位恭上

尊謚行大饗禮與時饗同

凡恭進玉

冊玉

寶之禮

皇帝恭上

大行皇帝

大行皇后尊謚

廟號

勅工部敬製玉

冊玉

寶恭加

列祖

列后尊謚

勅重造玉

冊改鐫玉

寶均於

太廟街門內奉祠署敬造內閣大學士禮工二部堂官
咸朝服上香行禮既成卜吉獻於

太廟是日昧爽太常官豫設

冊

寶案於

太廟前殿工部官豫設采幔於奉祠署外設黃案於采

幔正中各陳玉

冊玉

寶於案設香案於前張幄次於

太廟戟門外之左鑾儀衛官布

皇帝拜禱於香案前正中設奉安

冊

寶采亭於采幔左右奉

冊

寶王公大學士尚書都統侍郎咸朝服分班序立於采

幔外兩旁祇俟屆時禮部堂官奉請行禮

皇帝御禮服出宮陳法駕鹵簿不作樂

午門嚴鼓王公文武百官咸朝服跪送

皇帝至降輿處降輿盥洗禮部掌官恭導

皇帝詣

冊

寶案前恭視玉

冊玉

寶詣香案前上香退就拜褥行一跪三拜禮興立案東

奉

冊

寶王公大臣進至案前各一跪三叩恭奉

冊

寶安采亭內跪叩如前校尉昇亭御仗前導

冊

寶采亭以次至

太廟南門由中門入

皇帝率王公大臣等由左門隨入

皇帝至戟門外幄次少俟亭至

殿外階上止以次序列均南嚮王公大臣詣亭前一跪

三叩各奉

冊

寶入

太廟前殿中門至案前各恭設於案上跪叩如初退立

左右鑾儀衛官布拜褥於正中禮部堂官恭導

皇帝由戟門左門入陞東階入殿左門就拜位行三跪九拜禮執事王公大臣均隨行禮畢王公大臣各至

冊

寶案前一跪三叩興恭奉

冊

寶出殿後門

皇帝隨行至

中殿立案東西嚮王公大臣奉

冊

寶分藏於金匱跪叩如初退禮部堂官恭導

皇帝由左門入詣各

寢室香案前上香畢至正中拜位行一跪三拜禮禮成

禮部堂官恭導經

前殿左出戟門南門至乘輿處乘輿

還宮作樂

午門鳴鐘王公百官跪迎如儀

凡功臣配饗之禮既得

旨迺勅工部製神主鐫字並龕座祭案祭器如儀恭遇四時大饗前期奏遣官一人祇告

太廟遣官一人奉主配饗

東廡遣郡王
西廡遣大臣

太常寺官設龕

座陳俎豆至日設采亭於工部大堂露臺上遣

官詣工部奉主置采亭民校昇行前列仗

王吾
仗功

臣引自工部中門出鴻臚寺官二人前引至

長安左門王至
天安門仗采亭止遣官奉主鴻臚官二

人導引由

長安左門北門端門左門

太廟街門北門廟南門西門入至戟門右門鴻臚官止

太常官引進至神路右拜位王於階上大
臣於階下北面

立遣官置神主於拜位代行三跪九叩禮畢奉

神主興奉安於兩廡功臣之次王於東廡大
臣於西廡行

三叩禮屆祭時分獻如儀

欽定大清會典卷四十一



總校官候補中書臣吳紹潔

校對官編修臣莫瞻蒙

校對官檢討臣郭寅

謄錄監生臣周翥華

謄錄監生臣張元信

繪圖監生臣竇光國

欽定四庫全書會要

史部

欽定大清會典卷四十二



詳校官編修臣繆晉

欽定四庫全書會要卷八千二百七十一 史部

欽定大清會典卷四十二

禮部

祠祭清吏司

陵寢

凡

山陵

肇祖原皇帝

興祖直皇帝

景祖翼皇帝

顯祖宣皇帝陵曰

永陵在

興京

啓運山距

盛京二百四十里

原皇后

直皇后

翼皇后

宣皇后各合葬

太祖高皇帝陵曰

福陵在奉天府之承德縣

天柱山距

盛京二十里

孝慈高皇后合葬

太宗文皇帝陵曰

昭陵在奉天府之承德縣

隆業山距

盛京十里

孝端文皇后合葬

孝莊文皇后陵曰

昭西陵在順天府之遵化州

昌瑞山之南

世祖章皇帝陵曰

孝陵在順天府之遵化州

昌瑞山距

京師二百四十里

孝康章皇后合葬

孝獻皇后祔葬

孝惠章皇后陵曰

孝東陵在

昌瑞山

孝陵之東

聖祖仁皇帝陵曰

景陵在

昌瑞山

孝東陵之東

孝誠仁皇后合葬

孝昭仁皇后

孝懿仁皇后

孝恭仁皇后祔葬

敬敏皇貴妃從葬

世宗憲皇帝陵曰

泰陵在易州

永寧山距

京師二百八十里

孝敬憲皇后合葬

敦肅皇貴妃從葬

孝賢皇后陵寢在

昌瑞山

孝陵之西均設禮部工部內府奉祀各官暨官兵人役
以重守衛以供灑掃又各設牛羊圈置吏以飼
犧牲各設莊園置長以供粢盛界內禁止樵採

歲時祭饗

國有大慶則告○

孝陵

景陵

泰陵

特命王公大臣侍衛前往守護○

永陵饗殿曰

啟運殿

福陵以下均曰

隆恩殿各設龍鳳寶座几案後爲

寢室設神龕寶牀帷幔衾枕揮柂以奉

神主大饗將事於

隆恩殿展謁

山陵拜於

寶城前

凡謁

陵之禮

皇帝展謁

山陵或躬祭

山陵前期行展謁禮是日不啟

隆恩殿門禮部堂官二人於降輿處恭候

皇帝素服扈蹕王公百官咸素服

皇帝至

隆恩門外兩廂南降輿禮部堂官二人恭導

皇帝由

隆恩門

陵寢門左門入至

寶城明樓前祭臺北正中行三跪九拜禮不贊鴻臚官
引王以下各官咸按翼於

陵寢門外東西上北面序立隨行禮有司進奠几酒罍
於拜位前正中

皇帝詣几前北嚮跪羣臣東西面跪進爵大臣進爵
皇帝三祭酒每祭行一拜禮興東立西嚮舉哀王公

百官隨行禮舉哀畢禮部堂官恭導

皇帝出以次詣各

陵行展謁禮儀同至

孝賢皇后陵寢禮部堂官不導引

皇帝乘輿由中門入自

饗殿左直至

明樓前階下降輿陞階旁坐祭酒鴻臚官引王公百
官於

大門外按翼北嚮行三跪九叩禮興東西面立

皇帝祭酒時行禮舉哀是日遣王公大臣詣

景陵皇貴妃園寢

妃園寢行禮

凡恭遇

皇太后

皇后謁

陵之禮守

陵女官二人自

隆恩門恭進

皇太后進

隆恩門至殿階下左旁降輿

皇后

貴妃

妃

嬪至

隆恩門內降輿公主於門外扈從婦女於橋南各下

車馬女官二人恭導

皇太后

皇后至

寶城明樓前祭臺北

貴妃

妃

嬪於祭臺旁公主等於祭臺南行六肅三跪三拜
禮執事女官進奠几於拜位前正中

皇太后詣几前北嚮正中跪

皇后

貴妃

妃

嬪公主等西嚮跪女官進爵

皇太后三祭酒每祭行一拜禮興東立西嚮舉哀

皇后等均隨行禮舉哀畢女官恭導

皇太后

皇后至降輿處乘輿還行宮如至

孝賢皇后陵寢

皇太后乘輿由中門入至

明樓前降輿旁坐祭酒

皇后率

貴妃

妃

嬪公主降輿行禮如前儀

凡恭謁

盛京

祖陵之禮

皇帝親詣

盛京展謁

祖陵

駕發前一日

皇帝親祗告於

奉先殿啟鑾日陳騎駕鹵簿不作樂導從扈衛與

時巡同

午門鳴鐘不隨從王公百官咸常服跪送於

午門外

鑾輿所經守土官咸常服跪迎道右如儀

駕至

興京先期

盛京文武各官咸朝服出境跪迎朝鮮國王遣使

表請

起居至日恭謁

永陵

皇帝素服由行營乘輿出王公內大臣侍衛三品以

上官咸素服從

皇帝至

永陵正門之右垣側降輿禮部堂官二人恭導

皇帝由左門入進

啟運門左門至

寶城前立鴻臚官引王公於

啟運殿左右百官於門外按翼序立

皇帝就拜位率羣臣行三跪九拜禮興有司進奠几

於拜位前正中

皇帝詣几前北嚮跪羣臣東西面跪進爵大臣進爵

皇帝仰瞻

四陵各三祭酒每祭行一拜禮興東立西嚮舉哀王公

百官隨行禮舉哀畢禮部堂官恭導

皇帝出至右垣側乘輿還行營翼日

皇帝御禮服羣臣咸朝服行大饗禮如儀禮成

賞賚守

陵官兵有差是日遣官致祭

永陵內祔葬之武功郡王恪恭貝勒墓其附近之覺羅等祖塋皆遣官往奠

駕至

盛京日恭謁

福陵至紅門外左門降輿禮部堂官恭導

皇帝入

隆恩門左門至

進爵

寶城前率羣臣行三跪九拜禮有司進奠几進爵大臣

進爵

皇帝詣几前北嚮跪三祭酒每祭行一拜禮興東立

西嚮舉哀衆皆隨行禮舉哀畢禮部堂官恭導

皇帝出陞輿還行營翼日行大饗禮禮成

皇帝即往謁

昭陵翼日行大饗禮儀均與

永陵同是日分遣官致祭

福陵之

壽康太妃園寢

昭陵之

宸妃

懿靜大貴妃

康惠淑妃園寢○

皇太后

皇后謁

祖陵之禮

皇太后率

皇后

貴妃

妃

嬪至

永陵啟運門前降輿至門下行六肅三跪三拜禮女官

設奠几進爵

皇太后北嚮跪仰瞻

四陵各三祭酒每祭行一拜禮

皇后

貴妃

妃

嬪隨行禮興西嚮舉哀如儀

福陵

昭陵於正門之右門內降輿至

寶城明樓前行禮各祭酒三爵餘儀與謁

永陵同祀事禮成

賞賚守

陵官兵及

盛京官兵各有差○越日

皇帝親臨克勤郡王暨功臣武勲王揚古利信勇公
費英東果毅公額宜都墓祭酒其餘親王貝勒
及大臣墓皆以次遣官往奠

皇帝回鑾守土官咸朝服跪送如前

駕至京在京王公百官咸朝服跪迎候

皇帝還宮皆退○翼日

皇帝以恭謁

祖陵禮成親祇告於

奉先殿禮部奏請擇吉行慶賀禮儀與三大節同

凡大饗之禮歲於忌辰清明孟秋望冬日至歲

暮及

國有慶典行大饗禮是日恭請

帝

后神位奉安於

隆恩殿寶座南嚮如

皇貴妃同殿設位於西旁東嚮

帝

后同案共牛一羊二以一羊代豕尊四各奉先制帛一羹饭

脯醢一筵

計十盤

餅餌果品一筵

計六十盤

茶盃一

金盤一座

金爵三爵一壘

金七一金箸一雙帛共篚牲

共俎尊實酒疏布幕勺具夏則薦瓜

孝賢皇后陵寢用素帛餘同

皇貴妃各素帛一羹飯脯醢一筵

計十盤

餅餌果品

一筵計五十盤餘同○恭遇

皇帝親詣行禮禮部堂官詣

行宮告時

皇帝素服乘輿出行宮內大臣侍衛前引後扈如儀

凡陪祀扈從王公百
官及執事官咸素服

皇帝至

隆恩門外兩廂南降輿贊引太常卿二人恭導

皇帝入東旁大次內府奉祀官恭請

神位奉安

寶座鴻臚官引扈蹕王公於兩廂前引各官豫進至
隆恩殿階下兩旁北上東西面序立禮部堂官奏請

行禮

皇帝出大次前引大臣十人前導後扈大臣二人隨
從贊引官恭導

皇帝入

隆恩門左門陞正面左階入

隆恩殿左門東立西嚮鴻臚官引王等於階上兩旁東

西面序立內府官獻茶畢贊引官恭導

皇帝至拜位前北嚮立鴻臚官引王公百官各就班

位均東西上北面序立典儀官贊執事官各共

迺職以下真獻送祝帛均典儀官唱贊

贊引官贊就位

皇帝就拜位司香官奉香合進贊引官恭導

皇帝詣香几前立司香官跪進香奏跪

皇帝跪奏上香

皇帝受香合拱舉授司香官興三上香奏復位

皇帝復位奏跪拜興

凡行禮皆有奏

皇帝行三跪九拜禮王公百官均隨行禮奠帛爵行

初獻禮司帛官奉篚司爵官以次奉爵進司帛

官跪奠於帛案三叩司爵官以次立獻爵奠正

中皆退司祝至祝案前跪三叩奉祝版跪案左

皇帝跪羣臣皆跪司祝讀祝畢奉祝版詣

神位前跪安於案三叩退

皇帝率羣臣行三拜禮行亞獻禮司爵官以次獻爵
奠於左儀如初獻行終獻禮司爵官以次獻爵
奠於右儀如亞獻

皇帝率羣臣行三跪九拜禮司祝司帛官各進至案
前一跪三叩奉祝在前次帛恭送燎所

皇帝轉立拜位旁西嚮候祝帛過復位祝帛燎半奏
禮成恭導

皇帝由

隆恩殿左門出降東階進

陵寢門左門至

明樓前西嚮舉哀鴻臚官引王公百官於

陵寢門外東西面序立隨行禮舉哀畢恭導

皇帝由

隆恩門左門出至兩廂南乘輿還行宮王公百官以
次退

皇陵內府奉祀官恭奉

神位還御

寢室如因慶典

躬行大饗禮

皇帝御禮服陪祀王公百官咸朝履行禮如儀禮成
仍由左階降不詣

明樓前○遣官行禮贊引執事官均用各

陵奉祀禮部贊禮郎讀祝官承祭官及陪祀執事各官
咸朝服是日奉祀官備陳俎豆畢進祝版內監

啟

寢室神龕內府官恭請

神位奉安

寶座贊禮郎豫引陪祀官先進至階下贊引贊禮郎二人引承祭官由

隆恩門右門入升正面右階於西旁東面立獻茶畢
引至正中北面行禮上香復位由

隆恩殿右門出入讀祝時司祝進至祝案奉祝版由中

門循右闈出於西旁跪讀畢仍循右闈進詣

神位前跪安於案祝帛恭送燎所時引承祭官避立西

旁東面餘儀同禮成仍由

隆恩門右門引出陪祀官以次退各易素服俟撤饌

闔門贊禮郎引承祭官於

隆恩門外左階上西面各官於階下舉哀畢皆退冬

日至暨慶典不舉哀○

孝賢皇后陵寢祭日於未啓

寢室前各執事官陳設俎豆牲牢畢皆退出司祝官

奉祝版至中門內監接進安設祝案行三叩禮

司祝於門外左旁隨行禮迺啟龕門祭時尚茶

獻茶內監於中門接奉奠獻遣官就拜位司香

內監奉香合進贊引官引遣官至右門止遣官

自入右門贊引官由門外趨至中門左右贊上

香復位仍由右門引出奠帛獻爵均以內監將

事初獻後奉祝內監就祝案司祝進至中門外

右旁各行三叩禮內監奉祝至中門內東面跪授司祝司祝跪受讀畢仍授內監內監跪安於帛篚各三叩如前祝帛送燎內監二人就帛案司祝司帛於中門外兩旁各行一跪三叩禮內監奉祝帛授司祝司帛恭送燎所禮成恭奉

神位還御寢室闔門各執事官進殿徹饌餘如前儀

凡每年清明上土之禮前一日

皇陵工部官每

陵進設掛紙錢寶花一座各設於

隆恩殿內東旁

歲暮昇出同
楮帛焚燎

於附近處取黃土各一擔

如恭遇

躬行上土禮於祭前二刻禮部太常寺掌官二人恭

導內大臣二人後扈王公大臣二人隨進一人

荷土

皇帝素服進至

明樓方城下親荷土王公大臣二人前後翼衛禮部太

常官前導由

明樓東磴道陞方城至東石闈王公大臣以二筐土并為一筐跪進衆皆止

皇帝奉筐陞跪奠土於

寶頂降授筐王公大臣跪受禮部太常官恭導由原路出至

隆恩門外入大次俟奉請

神位畢行大饗禮如儀○遣官上土素服奉祀禮部贊

禮郎二人前引一人荷土隨進至方城下遣官
荷土由

明樓西磴道升方城至西石闌以二筐土并為一筐奉
筐升跪奠土於

寶頂退引出更朝服行禮如儀

凡祭告之禮

帝后同案各陳果實十二盤羊一酒三爵內監啓

神龕帷幔守

陵王公大臣總管分詣將事奉祀禮部贊禮郎唱贊讀

祝奠帛獻爵行禮

萬壽聖節不用羊餘儀同

凡朔望致祭之禮陳羊酒果實內監啟

神龕帷幔守

陵王公大臣及內府掌關防官將事奉祀禮部贊禮郎
導引惟十月朔贊禮餘朔望日不贊○

皇貴妃園寢

妃園寢朔望內府官上香行禮

凡

皇子謁

陵之禮

皇子至下馬石牌下馬

皇陵奉祀禮部贊禮郎導引由左階升至

隆恩門階上虛中位於左旁行禮畢立門東西嚮舉

哀如入門禮部官引至

隆恩門右門止內府奉祀官接引至

陵寢門外右旁行禮西立東嚮舉哀祭日由右門進於
隆恩殿階上正中行禮○遣官奉祀禮部贊禮郎引王

公於

隆恩門外階上虛中位按翼行禮祭日由右門進於
階上正中行禮○各

妃園寢

皇太子園寢祭日承祭官均由東路行由左門出

入於階上正中行禮○王公有生母在

妃園寢內者行禮畢內府官引由左右門

生母墓在左由

左在右由進園寢門左右門至墓前月臺上設奠

凡內府官進爵祭酒舉哀行禮如儀

凡公主

皇子福晉謁

陵之禮是日啓

陵寢門公主福晉至下輿處下輿本

陵女官二人導引由神道西進

隆恩門右門至

陵寢門外虛中位於右旁行六肅三跪三叩禮退立門
西東嚮舉哀畢女官仍由原路引出至

妃園寢於琉璃花門外行四肅二跪二叩禮畢女
官引進至墓前月臺上設奠几女官進爵祭酒
舉哀行禮如儀

凡出使官員謁

陵之禮親王以下三品以上官奉使

盛京者於

福陵

昭陵門外行三跪九叩禮遇祭饗日二品以上官入門

內隨守

陵官分班陪祀歸時行禮亦如之奉使石門經過者王

貝勒於

昭西陵隆恩門外階上虛中位按翼行三跪九叩禮行

禮時啟門貝子以下三品官以上行禮均不啓
門貝子公於階上蒙古王公暨三品以上官於
階下行禮畢引至

大紅門外正中及左右門外遙望

孝陵

孝東陵

景陵

孝賢皇后陵寢各行三跪九叩禮均由

皇陵奉祀禮部贊禮郎導引歸時不進謁由易州經過

者謁

泰陵王公於

隆恩門外三品以上官於

大紅門外行禮儀同

凡忌辰

太祖高皇帝八月十一日

孝慈高皇后九月二十七日

太宗文皇帝八月初九日

孝端文皇后四月十七日

孝莊文皇后十二月二十五日

世祖章皇帝正月初七日

孝惠章皇后十二月初六日

孝康章皇后二月十一日

聖祖仁皇帝十一月十三日

孝誠仁皇后五月初三日

孝昭仁皇后二月二十六日

孝懿仁皇后七月初十日

孝恭仁皇后五月二十三日

世宗憲皇帝八月二十三日

孝敬憲皇后九月二十九日

孝賢皇后三月十一日是日自

大內以下文武有頂帶官員以上皆素服不祭神

不燕會不理刑名

列聖

列后忌辰遣官詣

陵行禮儀同時饗

皇帝親詣

奉先殿

壽皇殿行禮

陵寢祝文

永陵清明祝文

維乾隆

年歲次

二月

朔越

日孝孫嗣皇帝御名謹遣

昭告於

肇祖原皇帝

原皇后

興祖直皇帝

直皇后

景祖翼皇帝

翼皇后

顯祖宣皇帝

宣皇后曰茲當新春萬物茂育清明節屆敬薦時馨尚

饗

孟秋望祝文

曰茲當孟秋宜修時祭謹薦苾芬用申禋祀尚

饗

冬至祝文

曰時當長至萬類萌生節序遷流陽氣來復仰瞻

啓運祈錫洪庥謹以牲醴庶品用申祭奠尚饗

歲暮祝文

曰氣序以周歲將更始用修時祭敬薦馨香尚饗

饗

福陵清明祝文

維乾隆

年歲次

二月

朔越

日孝孫嗣皇帝御名謹遣

昭告於

太祖承天廣運聖德神功肇紀立極仁孝睿武端毅欽
安弘文定業高皇帝

孝慈昭憲敬順仁徽懿德慶顯承天輔聖高皇后曰茲
當新春萬物茂育清明節屆敬薦時馨尚

饗

孟秋望祝文

曰時當孟秋宜修時祭謹以牲帛醴齊庶品用
申禋祀尚

饗

冬至祝文

曰時當長至萬類萌生節序遷流陽氣來復仰

瞻

天柱祈錫洪庥謹以牲醴庶品用申祭奠尚

饗

歲暮祝文

曰氣序以周歲將更始用修時祭敬薦馨香尚饗

忌辰祝文

曰禮重孝饗遇時序而增傷時際諱辰望

山陵而永慕茲因

皇祖忌辰謹以牲醴庶品用申祭獻尚

饗

曰禮重孝饗遇時序而增傷時際諱辰望

山陵而永慕茲因

皇祖妣孝慈高皇后忌辰謹以牲醴庶品用申祭獻尚

饗

昭陵清明祝文

維乾隆

年歲次

二月

朔越

日孝孫嗣皇帝御名謹遣

昭告於

太宗應天興國弘德彰武寬溫仁聖睿孝敬敏昭定隆
道顯功文皇帝

孝端正敬仁懿哲順慈僖莊敏輔天協聖文皇后曰茲
當新春萬物茂育清明節屆敬薦時馨尚

饗

孟秋望祝文

曰茲當孟秋宜修時祭謹以牲帛醴齊庶品用

申禋祀尚

饗

冬至祝文

曰時當長至萬類萌生節序遷流陽氣來復仰瞻

隆業祈錫洪庥謹以牲醴庶品用申祭奠尚饗

歲暮祝文

曰氣序以周歲將更始用修時祭敬薦馨香尚

饗

忌辰祝文

曰禮重孝饗遇時序而增傷時際諱辰望

山陵而永慕茲因

皇祖忌辰謹以牲醴庶品用申祭獻尚

饗

曰禮隆孝饗遇時序而增傷時逢諱日望

山陵而永慕茲因

皇祖妣孝端文皇后忌辰謹以牲醴庶品用申祭獻尚饗

昭西陵清明祝文

維乾隆

年歲次

二月

朔越

日孝孫嗣皇帝御名謹遣

昭告於

孝莊仁宣誠憲恭懿至德純徽翊天啟聖文皇后曰時
屆新春萬物滋茂維此清明用申禋祀伏惟尚

饗

孟秋望祝文

曰茲以新秋因時致祭謹以牲帛醴齊庶品敬獻伏惟尚

饗

冬至祝文

曰時維長至萬物含生運應陽初瞻望

山陵祈求篤祜虔備牲醴庶品用申禋祀伏惟尚

饗

歲暮祝文

曰時維歲暮節届履端因時致祭伏惟尚

饗

忌辰祝文

曰禮重孝饗遇時序而增傷時逢諱日望

山陵而永慕茲因

皇祖妣孝莊文皇后忌辰謹以牲醴庶品用申祭奠尚

饗

孝陵清明祝文

維乾隆

年歲次

二月

朔越

日孝孫嗣皇帝御名謹遣

昭告於

世祖體天隆運定統建極英睿欽文顯武大德弘功至

仁純孝章皇帝

孝康慈和莊懿恭惠溫穆端靖崇天育聖章皇后

孝獻莊和至德宣仁溫惠端敬皇后曰時屆新春萬物

滋茂維此清明用申祭奠伏惟尚

饗

孟秋望祝文

曰茲以孟秋因時致祭謹以牲帛醴齊庶品敬獻伏惟尚

饗

冬至祝文

曰時維長至萬類含生運應陽初瞻望

山陵祈求篤祜虔備牲酒庶品用申祭奠伏惟尚

饗

歲暮祝文

曰時維歲暮節屆履端虔備庶品因時致祭伏
惟尚

饗

忌辰祝文

曰禮重孝饗遇時序而增傷時逢諱日望

山陵而永慕茲因

皇祖忌辰謹以牲醴庶品用申祭奠尚

饗

曰禮重孝饗遇時序而增傷時逢諱日望

山陵而永慕茲因

皇祖妣孝康章皇后忌辰謹以牲醴庶品用申祭獻尚

饗

孝東陵清明祝文

維乾隆

年歲次

二月

朔越

日孝孫嗣皇帝 御名謹遣 昭告於

孝惠仁憲端懿慈淑恭安純德順天翼聖章皇后曰清
明屆節萬類用昌敬薦馨香聿申祭享伏惟尚

饗

孟秋望祝文

曰茲屆孟秋時修禋祀謹以牲帛醴齊庶品敬
獻伏惟尚

饗

冬至祝文

曰時維長至一陽復始玉律迎和遙望
山陵永惟瞻慕虔備牲酒庶品用申祭奠伏惟尚
饗

歲暮祝文

曰時維歲暮節屆履端虔備庶品因時致祭伏
惟尚

饗

忌辰祝文

曰禮重孝饗撫時序而增傷時際諱辰望

山陵而永慕茲因

皇祖妣孝惠章皇后忌辰謹以牲醴庶品用申祭獻尚

饗

景陵清明祝文

維乾隆

年歲次

二月

朔越

日孝孫嗣皇帝御名謹遣

昭告於

聖祖合天弘運文武睿哲恭儉寬裕孝敬誠信中和功
德大成仁皇帝

孝誠恭肅正惠安和淑懿儼天襄聖仁皇后

孝昭靜靜淑明惠正和安裕欽天順聖仁皇后

孝懿溫誠端仁憲穆和恪奉天佐聖仁皇后

孝恭宣惠溫肅定裕慈純贊天承聖仁皇后曰清明節
屆物候頻遷虔備庶品因時致祭伏惟尚

饗

孟秋望祝文

曰節屆中元秋氣始肅用修時祭特薦維馨伏惟

昭格尚

饗

冬至祝文

曰節屆陽初日逢南至永懷

怙恃莫逮瞻依遙望

山陵肅陳俎豆伏惟

昭格鑒此馨香尚

饗

歲暮祝文

曰時維歲暮節届履端虔備庶品因時致祭伏
惟尚

饗

忌辰祝文

曰禮隆孝饗遇時序而增傷時際諱辰望

山陵而永慕茲因

皇祖忌辰謹以牲醴庶品用申祭獻尚

饗

曰禮隆孝饗撫時序而增傷時際諱辰望

山陵而永慕茲因

皇祖妣孝誠仁皇后忌辰謹以牲醴庶品用申祭獻尚

饗

孝昭仁皇后忌辰

孝懿仁皇后忌辰

孝恭仁皇后忌辰祝文同

泰陵清明祝文

維乾隆

年歲次

二月

朔越

日孝子嗣皇帝御名謹遣

昭告於

皇考世宗敬天昌運建中表正文武英明寬仁信毅大
孝至誠憲皇帝

皇妣孝敬恭和懿順昭惠佐天翊聖憲皇后曰節届清

明感深春露虔修時祭肅薦維馨伏惟尚

饗

孟秋望祝文

曰玉露初零金風應候中元節屆肅薦馨香伏
惟尚

饗

冬至祝文

曰葭琯初調日當長至永懷

顧復莫報

恩勤瞻望

山陵虔陳牲醴伏祈

昭鑒俯賜

格歆尚

饗

歲暮祝文

曰節近履端因時餞歲敬陳柏酒

鑒此苾芬伏惟尚

饗

忌辰祝文

曰欽惟

皇考世宗憲皇帝

德合乾坤

道光日月

聰明睿智十三年普被照臨

文武聖神千百國咸歸廣運綜憲承之謨烈
佑啟詒庥仰陟降之

神明音容如在恭逢諱日愴念終天陳筵几以伸忱
撫歲時而增感

澤餘寰海方深遺慕於

山陵露湛松楸彌切追思於風木伏祈

昭格俯

鑒苾芬尚

饗

曰深秋屆候諱日驚心愴霜氣之寒凝痛

慈顏之永隔春暉莫報孺慕無窮瞻企

山陵肅陳奠醊伏祈

昭鑒俯賜格歆尚

饗

孝賢皇后陵寢清明祝文

維乾隆

年歲次

二月

朔越

日

皇帝遣致祭於

孝賢皇后之靈曰懿則垂芳清明届序肆陳瑤筭用

迓雲輶尚

饗

孟秋望祝文

曰坤教常昭中元應候苾芬式薦靈爽斯憑尚

饗

冬至祝文

曰時逢長至瞻念坤儀爰薦馨香庶期來格尚

饗

歲暮祝文

曰歲月其除坤貞永著用修嘉薦惟冀居歆尚

饗

忌辰祝文

曰融風應候諱日繁懷睇淑序之頻遷愴徽音
之長逝追維懿德鑄琬琰以難窮睠企儀型閑
歲時而彌永撫三春而增感覽百世以含悽薦
此苾芬靈其歆格尚

饗

景陵皇貴妃園寢清明祝文

維乾隆

年歲次

二月

朔越

日

皇帝遣致祭於

憇惠皇貴妃之靈曰禁煙節屆雨露既濡用薦苾

芬庶幾歆格尚

饗

孟秋望祝文

曰序屆初秋白露既肅爰將祀事庶克歆承尚

饗

冬至祭文

曰序届仲冬一陽來復用修時祀庶達馨香尚饗

歲暮祭文

曰歲周星紀臘謝春回爰展祀儀載歆載格尚

饗

景陵妃園寢清明祝文

維乾隆

年歲次

二月

朔越

日

皇帝遣致祭於

溫僖貴妃

慧妃

宜妃

榮妃

平妃

良妃

宣妃

成妃

順懿密妃

純裕勤妃

定妃之靈曰陽和應候節屆清明爰薦芬芳庶其

來格尚

饗

孟秋望祝文

曰序屬中元秋露始降感時展祭用達馨香尚

饗

冬至祭文

曰一陽始升節屆長至聿申時祀庶克歆承尚

饗

歲暮祝文

曰時當餞臘節序將新芬苾載陳庶幾歆格尚

饗

泰陵妃園寢清明祝文

維乾隆

年歲次

二月

朔越

日

皇帝遣

致祭於

齊妃

寧妃之靈曰陽和應候序屬清明式薦苾芬庶其

來格尚

饗

孟秋望祝文

曰秋露既零中元節屆感時陳祭來格來歆尚

饗

冬至祝文

曰律轉初陽候逢長至聿修時祀用達馨香尚

饗

歲暮祝文

曰節逢除歲淑氣方回酒醴式陳用申時祭尚

饗

端慧皇太子園寢清明祝文

維乾隆

年歲次

二月

朔越

日

皇帝遣

諭祭於端慧皇太子之靈曰榆火方新物候初易
薦以馨香尚其來格

孟秋望祝文

曰秋氣始肅節届中元撫時以祀用克歆承
冬至祝文

曰律回舜琯氣以昇新芬苾載陳尚其歆饗
歲暮祝文

曰歲聿云莫斗杓回春修我時祀以薦維馨

欽定大清會典卷四十二